

Yellow  
Brick  
Road

# Malamalama i mea o tutupu i le taimi nei

O se aotelega i faiga e tautuana ai  
aiga o tagata o loo feagai ma luitau i  
le soifua maloloina o le mafaufau



**Afai o e faia se fesoasoani i se tasi e pele ia te oe o loo maua i luitau o le soifua maloloina o le mafaufau, e mafai ona avea ma avega mamafa ia te oe, e aunoa ma lou iloa ua e afaina ai.**

O le nofo mataala e aogā e atia'e ai le tomai ia te oe lava e faigofie ai ona e pulea le popole ma le mamafa o mea i lou mafaufau (mafaufauga ma faalogona).

O tomai nei o loo maua ia te oe ma e lei iloga ona faaaogā. O lou iloa o auala e mafai ai ona e faaaogā tomai nei, o le a mafai ai ona māmā lau avega faatusa i taimi ua sola, ma fesoasoani e te iloa ai auala e pulea lelei ai luitau o feagai ma oe ma faaitiitia mea o mamafa i lou mafaufau.



**Aisea e tāua ai le pulea e le tagata lava ia o tulaga nei?**

O le nofo mataala e faasino lea i lou pulea ma faaaogā tulaga ma mafaufauga o loo feagai ma oe i le taimi lava lenei. O lona uiga ia faapupulaina lou iloa i mea o tutupu i le taimi nei lava... ma le taimi nei... ma le taimi nei.

- O lona uiga ia e malamalama... e aunoa ma le faasinisinolima.
- O lona uiga ia e mataituna ou mafaufauga ma faalogona e aunoa ma le pulea o oe i tulaga nei.
- O lona uiga ia e maua le loto faafetai i aso uma o lou olaga, taliaina tulaga ua iai ma faamatuu atu nisi mea.

**O le nofo mataala e moomia le faataitai ma faaaofia ai tulaga nei:**

- Taula'i i mea taitasi i le taimi lava lea
- Malamalama i mafaufauga ma faalogona
- Nofouta i mea e faalavelave i le mafaufau
- Amanaiaina tulaga ma mea o iai i le taimi nei
- Toe taula'i lou mafaufau

**O mea e LĒ o se uiga moni o le nofo mataala?**

**Faalavelave**

O le nofo mataala e lē faauiga i mea e faaluafesasi ai le mafaufau. Peitai, e faauiga o le mataala, gaua'i atu ma malamalama lelei le mafaufau. E pei o se vailaau e faatupu malosi i le agaga!

**Toofilemu**

O le nofo mataala e lē faauiga i le toofilemu. Peitai, o se tasi lea o aafiaga pe a mautu faiga e nofo mataala ai, pe a ua amata ona e iloa faiga e pulea ai ou mafaufauga ma faalogona.

O lou savalia o tulaga nei e mafai ai ona maua lou toofilemu, faatusa i tulaga ua leai ai sou faamoemoe pe pagatia ai.

**Faatea ese mafaufauga ma faalogona e lē aogā**

E lē mafai e le nofo mataala ona faatea ese mafaufauga ma faalogona. Peitai, o mafaufauga e te iloa ai tulaga ma mea o iai i le taimi nei. Toe taula'i lou mafaufau ia mataala e mafai ai ona e mataitua mafaufauga ma faalogona nei ma ia mafai ona e tea ese mai ai.

## Aisea e tāua ai le nofo mataala?

E fesoasoani lou nofo mataala e unaia ai oe e gaua'i ma aveese lou mafaufau mai mea e ono afaina ai oe. O lou nofounta i ou mafaufauga ma faalogona, e mafai ai ona e faia faaiuga sili ona lelei.

O lou maitauina o mea e faaluafesasi ai lou mafaufau e fesoasoani e gaua'i ai lou mafaufau i aiga, uo ma uo i le galuega. O lou amanaiaina o mea o loo iai i le taimi nei, e mafai ai ona maua lou filemu ma tali atu i mea o tutupu i se auala e toofilemu, ma tausaafia.

## E fesoasoani lou nofo mataala e te:

- Talisapaia lelei ai taimi taitasi
- Faaosofia ai le alofa ia te oe lava
- Auai ma fesootai atoatoa i mea o tutupu i le soifuaga
- Filifili faalogona e te tali atu ai
- Faataitai lou taliaina
- Filemu, gaua'i ma faamāmā le avega

O tulaga uma ia e atia'e ai le soifua manuia o le mafaufau.





## E faapefea ona ou nofo mataala?

Mo le maua o aogā o le nofo mataala, e moomia ona e faataitaia le mataala ma toe tomanatu i lesona aogā na maua mai ai. O lou faatāuaina o le nofo mataala e aogā e te aoao ai metotia, feiloai ai ma isi tagata ma faasoa lesona aogā na maua mai ai.

## Auala e mafai ona fesoasoani atu ai le Yellow Brick Road ia te oe

O aso uma matou te taumafai ia mautinoa o loo amanaiaina manatu o aiga, o loo maua le lagolagosua o moomia, ma faaauppegaina ma maua le malosi e faatoilaloina ai luitau o feagai ma i latou.

E mafai ona matou fesoasoani e faaitiitia mea o mamafa i lou mafaufau a o faia faatasi ai ma le lagolagosua mo e pele ia te oe, i nisi o faataitaiga i metotia e maua ai le nofo mataala, atoa ma polokalame i le nofo mataala i luga o le initaneti poo nofoaga o loo e aumau ai.

Faamolemole faafesootai mai i matou mo nisi faamatalaga.

**E moomia le faia o le pitolaau a  
tagata uma e mafai ai ona maua  
suiga lelei mo i tatou uma.**

**E faavae a matou galuega i le ola  
lelei o aiga, ma o le fatu lea o a  
matou galuega uma.**

O le Yellow Brick Road o se faalapotopotoga  
aoao e faapitoa galuega i le saunia o faiga e  
lagolagoina ai aiga o loo iai se tasi o feagai  
ma luitau tau soifua maloloina o le mafaufau.

Ua silia ma le 40 tausaga auaunaga sa faia  
ma tagata i Niu Sila atoa, ma ua matou iloa  
afai e tuuina atu i se aiga o iai e tasi ua aafia  
i mafatiaga o le mafaufau le fesoasoani e  
talafeagai ma sa'o ma toefuataiina lo latou  
malosi, o le a sili atu ona toe faafoisia le soifua  
manuia o le a maua.

O le maua o suiga lelei o le taulā'iga aupito tāua  
lea ia i matou. O le galulue faatasi, e mafai ai  
ona matou fesoasoani atu ia maua le soifua lelei.



Supporting families  
towards mental wellbeing

Northern Region  
0800 732 825

Central North Island  
0800 555 434

South Island  
0800 876 682

[yellowbrickroad.org.nz](http://yellowbrickroad.org.nz)